

# Obavijest građanima o ovršnom postupku

**Znate li što je ovršni postupak?  
Znate li svoja prava i obaveze u ovršnom postupku?**

**Niste platili račun za usluge koje ste koristili ili izvršili neke obaveze iz sudske, notarske ili odluke upravnog organa?**

**Neko traži od vas ili vi tražite od nekoga izvršenje obaveze ili isplatu duga?**

**Ovršni postupak pred sudom je pokrenut, sud je dozvolio ovrhu i vrijeme je za konkretne radnje koje sud provodi.**

Znate li koja su vaša prava i obveze u ovršnom postupku



## Znate li što je ovršni postupak?



**Imate potraživanje prema nekome, podnesite sudu prijedlog za ovrhu!**

**Sud će zaprimiti Vaš prijedlog, formirat će se sudski predmet i isti dostaviti sudu kako bi nastavio postupanje i pomogao Vam da ostvarite svoje potraživanje.**

### Što je zapravo ovršni postupak?

Ovršni postupak je sudski postupak kojim sud osigurava ovrhu sudske, ili notarske ili odluke upravnog organa, ili obaveza iz potpisane mjenice, ili neplaćenih računa za komunalne usluge koje prethodno nisu dobrovoljno izvršene kao i na osnovu platne liste.

Ukoliko vam neko duguje novac ili je dužan izvršiti neku drugu vrstu obaveze prema vama, **PUTEM SUDA MOŽETE TRAŽITI ISPUNJENJE.**

U ovom slučaju postajete **TRAŽITELJ OVRHE.**

Ukoliko nekom dugujete novac, niste izmirili neka druga dugovanja, uključujući i račune za određene usluge, niste ispunili određene obaveze, **SUD, NA OSNOVU PRIJEDLOGA ZA OVRHU TRAŽITELJA OVRHE, ODREĐUJE PRINUDNO ISPUNJENJE.**

Tada vi postajete **OVRŠENIK.**

### Kako ćete pokrenuti ovršni postupak?

Ukoliko imate odluku suda, odluku notara ili odluku upravnog organa u kojoj piše da vam druga osoba duguje novac, a nije dobrovoljno izvršila obavezu, onda treba da podnesete sudu **prijedlog za ovrhu** protiv te osobe.

Kada podnesete prijedlog sudu dobijate ulogu **TRAŽITELJA OVRHE** i bitno je da od početka do kraja ovršnog postupka **aktivno sudjelujete**, odnosno postupate po zaključcima i rješenjima koje vam sud šalje, kako bi što prije namirili svoje potraživanje.

*Imate potraživanje prema nekome?*

*Morate aktivno sudjelovati u sudskom postupku da bi ste što prije svoje potraživanje I naplatili!*



Rješenje o ovrsi

### Kako ćete znati da je protiv vas pokrenut ovršni postupak?

Ukoliko je neko protiv vas podnio sudu prijedlog za ovrhu, sud će Vam poslati Rješenje o ovrsi.

Prvo što trebate uraditi jeste **potpisati dostavnicu** da ste zaprimili Rješenje o ovrsi, međutim time što ste potpisali dostavnicu ne znači da se slažete sa onim što je navedeno u rješenju, to je samo dokaz suda da može nastaviti obavljati svoj posao.

Ukoliko odbijete da potpišete dostavnicu, to će dostavljač/poštar

napisati na kovertu i vratiti sudu.

Sud će, u skladu sa zakonom, smatrati da ste dokument zaprimili, da ste upoznati sa sadržajem Rješenja o ovrsi i nastaviće postupak.

U slučaju da niste kod kuće poštar/dostavljač će Vam ostaviti obavijest da u ostavljenom roku u pošti/sudu preuzmete pošiljku.

Ukoliko ne preuzmete pošiljku u roku sud će, u skladu sa zakonom, smatrati da ste dokument zaprimili, da ste upoznati sa sadržajem Rješenja o ovrsi i nastaviće postupak.

U slučaju da ne živite na adresi koja je prijavljena u Vašem CIPS-u i dostava putem ove adrese ne bude uspješna, sud će objaviti Rješenje o ovrsi putem oglasne ploče suda i u dnevnim novinama.

Protekom 15 dana od dana objave, dostava će se smatrati urednom i sud će postupak nastaviti.

## Što nakon što saznate da ste dio postupka ovrhe?

Nakon što ste zaprimili rješenje trebate prvo provjeriti da li zaista dugujete ono što se od vas traži.

Možda vam je stigao zahtjev da platite dug koji ste ranije već platili. Možda ste ispunili



**Provjerite da li ste zaista dužni ono što se od vas traži!**

obavezu koja se traži u Rješenju o ovrsi.

Ukoliko pronađete dokaz, kao što je npr. uplatnica da ste platili dug, obavijestite o tome tražitelja ovrhe i sud pismenim putem!

## JA OVO NE DUGUJEM!!!

Ukoliko imate dokaz da ste uplatili traženo dugovanje prije podnošenja prijedloga za ovrhu,

**REAGIRAJTE! KAKO? OVAKO!**

**KONTAKTIRAJTE  
TRAŽITELJA OVRHE**

Ako se navedeno dugovanje odnosi na neplaćene račune za komunalne usluge, najbolje je da osobno odete u poslovnicu.

**IZJAVITE PRIGOVOR SUDU**

Obavezno priložite dokaze iz kojih je vidljivo da je dugovanje plaćeno ili obaveza ispunjena.

Ukoliko imate dokaz da ste uplatili traženo dugovanje nakon podnošenja prijedloga za ovrhu postupak je isti.

Da bi se postupak obustavio potrebno je platiti sudsku pristojbu i zakonske kamate.

***Kada zaprimite odluku suda, morate reagovati! U suprotnom, postupak se nastavlja i za vas nastaju dodatne obaveze....***

## JA OVO DUGUJEM!!!

Ukoliko ste ustanovili da ste propustili uplatiti neke račune, ispuniti svoju obavezu, imajte na umu da **dugovanja trebaju biti izmirena.**

Što prije ispunite svoju obavezu, manji će biti i ostali troškovi koji nastanu jer sud vodi postupak.

**REAGIRAJTE! KAKO?  
OVAKO!**

**KONTAKTIRAJTE  
TRAŽITELJA OVRHE**

Ako se navedeno dugovanje odnosi na neplaćene račune za komunalne usluge, najbolje je da osobno odete u poslovnicu.

**OBAVIJESTITE SUD**

Ako ste naknadno uplatili dugovanje tražitelju ovrhe ili ispunili svoju obavezu.

**IZJAVITE PRIGOVOR ZASTARE SUDU**

Možete izjaviti prigovor zastare! Zastara ne znači da niste dužni, samo je prošao rok koji je zakonom određen da se traži ispunjenje obaveze. Ukoliko ispunite zastarjelu obavezu, nemate pravo zahtijevati vraćanje onoga što ste dali, čak i ako niste znali da je obaveza zastarjela.

Ne zaboravite da ste obavezni platiti i sudsku pristojbu.

## Što ako ništa ne uradite?

Ukoliko ništa ne poduzmete kada zaprimite rješenje o ovrsi, sud nastavlja postupak.

Postupak će se provesti do kraja, a vi ćete na kraju biti obavezni platiti dug, zakonske zatezne kamate, sudske pristojbe kao i sve troškove koji su nastali tokom vođenja postupka.

## Što ako ne možete platiti?

**REAGUJTE!!! KAKO???**

**OVAKO!**

**KONTAKTIRAJTE  
TRAŽITELJA OVRHE**

Kako biste se dogovorili oko načina ispunjenja. Ako dugujete

novac, Vaš dug možete platiti u nekoliko navrata, ukoliko se tako dogovorite sa vašim tražiteljem.

**PODSJETITE      TRAZITELJA DA  
OBAVIJESTI      SUD      ako**  
postignete dogovor o plaćanju na rate.

***Bitno je da ovršenik reagira odmah čim zaprimi odluku suda!***

***Na taj način skraćujete postupak, smanjujete svoje troškove***

## Što sud radi ako dug nije izmiren?

Ako dugujete novac, sud u skladu sa prijedlogom za ovrhu ima nekoliko mogućnosti:

- može da zaplijeni vašu kuću, stan, vikendicu ili drugu nekretninu, istu proda,
- može da zaplijeni novac na računu koji imate u banci, zaplijeni dio mirovine, plaće
- može poslati sudskog ovršitelja na vašu adresu koji ima pravo da zaplijeni stvari u vašem domu ili vaš automobil, a sve navedeno kako bi se namirilo dugovanje.

Sve dok ne izmirite dug u cijelosti nećete moći primiti cjelokupni iznos vaših primanja.

Da biste izbjegli sve ovo, možete kontaktirati tražitelja ovrhe i nagoditi se oko načina ispunjenja obaveze.



## Kome mogu platiti dug?

Možete platiti:

1. **tražitelju ovrhe** osobno ili na njegov bankovni račun,
2. iznos vašeg duga **možete predati i sudskom ovršitelju** ukoliko dođe da plijeni vašu imovinu.

Ako se dug plati sudskom ovršitelju isti je dužan da vam izda priznanicu da ste uplatili dug i da o tome obavijesti suca kako bi se postupak obustavio.

Ukoliko niste u cijelosti izmirili dug, postupak se ne može obustaviti sve dok se cjelokupni iznos ne isplati.

## DUG UVIJEK MOŽETE PLATITI DOBROVOLJNO!!!

*Kako ne biste postali dio ovršnog postupka jako je bitno da svoje obaveze izvršavate na vrijeme I da kontaktirate tražitelja ovrhe odmah čim vam dođe opomena ili pismeno sa suda.*

*Na taj način skraćujete postupak I smanjujete svoje troškove*



Visoko sudsko i tužilačko vijeće Bosne i Hercegovine  
Visoko sudbeno i tužiteljsko vijeće Bosne i Hercegovine  
Високи судски и тужилачки савјет Босне и Херцеговине  
High Judicial and Prosecutorial Council of Bosnia and Herzegovina



## Visoko sudsko i tužilačko vijeće BiH

Kraljice Jelene 88  
71 000 Sarajevo  
BiH

Centrala: +387 (0)33 707 500  
Telefaks: +387 (0)33 707 550  
E-mail: [vstvbih@pravosudje.ba](mailto:vstvbih@pravosudje.ba)

Web:  
<https://vstv.pravosudje.ba>  
<https://vsts.pravosudje.ba>  
<https://hjpc.pravosudje.ba>

### **ICEA III Projekat— Unaprjeđenje efikasnosti sudova I odgovornosti sudaca I tužitelja u BiH—treća faza**

**Glavni cilj Projekta** je unaprjeđenje efikasnosti, kvalitete, nezavisnosti i transparentnosti pravosuđa koje vodi ka kreiranju pravosudnog sistema u službi građana.

Aktivnosti predviđene projektom usmjerene su na održivost postignutih i ostvarivanje novih rezultata, s fokusom na unaprjeđenje efikasnosti pravosuđa u BiH, te osiguravanja jednakog pristupa pravdi i jednakost svih građana pred zakonom.

Jedna od aktivnosti Projekta je **I Unaprjeđenje ovršnog postupka u pravosudnim sistemima u BiH**

Ovaj segment projekta odnosi se na unaprjeđenje radnih procesa ovršnih odjeljenja pilot sudova, koji se realizira u suradnji sa Agencijom za izvršenje Švedske—SEA.

## *Efikasno pravosuđe u službi građana!*

